

Leqa ena Rara ni Gade

E a cegu levu o Hunter. "Au sega ni dau cavuta na veivosa vaqori."

Mai vei Diana Evelyn Nielson
(Yavutaki e na italanoa dina)

Na italanoa oqo a yaco e Amerika.

E a cici kosova na rara kei ira na nona itokani o Hunter. E a matadredre ni vakila na cagi ni liwa siviti koya. A vakila o koya ni totolo ka mamada!

A tara taumada na bai o Kyle. "Au sa wini!" a kailavaka mai o koya.

A qai yacova na bai o Hunter ena dua na gauna ki muri. "E sega ni dodo-nu! O a tekivu eliu."

"Io," a kaya o Miguel. "Daru veitau ki na vunikau!"

E a tekivu cici tale o Hunter. Ena gauna oqo, a tara eliu o koya na vunikau. Ia o Miguel a volekati koya toka ga yani.

"Au sa wini!" A kaya o Miguel.

"Sega, e wini o Hunter," a kaya o Piper.



DROINI MAI VEI SHAWNA J. C. TENNEY

"Io," a kaya o Kyle.

E a roqota na ligana o Miguel. A qai cavuta e dua na vosa ca.

Era dredre na vo ni gone. E a cavuta tale na vosa oya o Miguel, ka ra dredre vakalevu cake.

A rarawa na loma i Hunter. A kila o koya ni vosa oya e sega ni vinaka me cavuti. Ia a sega ni vinakata me vakatanini. A sega ni tukuna e dua na ka.

A cavuta o Piper e dua tale na vosa ca. Qai cavuta o Kyle e dua tale.

"Cavuta e dua, Hunter," a kaya o Kyle.

"Io, kusa," a kaya o Miguel. "Cavuta e dua na vosa ca vou."

E a cegu levu o Hunter. "Au sega ni dau cavuta na veivosa vaqori."

"Nomu cavuta e dua na vosa ena sega ni vakamavaotaki iko," a kaya o Kyle.

"Au sega ni via cakava," a kaya o Hunter.

"O rere?" A dredre o Miguel.

E a wadadamu na matai Hunter. "Au na laki qito ena dua tale na vanua."

Era a dredre tikoga na vo ni gone ka cavuta tiko na vosa ca. E a vinakata o Hunter me lako tani. E a sega ni marautaki na tiko e rara ena gauna oqo. "Tou qai sota tale," a kaya vakamalua.

A biuta na ligana o Hunter ena nona taga ka lako siviti ira vakamalua na vo ni gone. A sega tale ni vakila o koya ni totolo se mamada. A vakila ni bikai sobu.

A kunei Na kei Ta ni rau dabe toka ena dua na idabedabe. A biuta sobu o Ta na nona ivola. "O vinaka tiko?"

A vakariqa taba o Hunter. "Era sa tekivu me vosa-vosa ca. Au sega ni vinakata meu cakava, kau sa mani biubiu mai."

A matadredre o Na. "Sa vakasakiti dina oqori." "Keirau cibitaki iko," a kaya o Ta. "E dredre me

Mo vulica e levu tale na ka me baleta na digidigi vinaka, wilika na Noqu iVakatagedegede Vakosipeli ena daku ni iVoladusidusi ni Gonelalai.

